

կեղեցոցս եւ ժողովրդեանս՝ պարտ է հիմի անլի ողորմութեամբ օգն կենալ, որ կարենանք վերստին նորոգել կործանեալ եկեղեցիքն եւ ազատել գերիքն ի ձեռաց անօրինաց: Ինձի չէ հասնիլ քո հրամանուց խրատել, թէ կամենայք պարոնտեր Պողոս Չիտադինին ողորկած դրամէն կարէք օգն կենալ. այսպիսի բարերարութիւն սալաֆ կու լինի: Աստուած կու սիրիս. բրեվն նորոգիլ տուր եւ իմ փալիօնն առաքեցէք, հետ մեռոնի: Շուտ պատրի Մատաթին բանն տեսէք. հետ պատրի Ջվան Դօմինիկոսին ողորկեցէք ինչ հրամանք, որ կանէք, եւ յերեսիս վերա[յ] կանգնած իմ: Ինչ միսիօնար, որ կողորկէք, հրաման տուրք, որ հնազանդ կենան մեզ որպէս առաջնորդի: Ես՝ մեղաւորս, քանի լոկ քահանայ էի ժողով[ու]րդ էի հո[վ]վում, հերցուածողացանէ եւ գայլէ պահում, փառք Աստուծոյ, մինչեւ ցայսօր ոչ որ գայթակղեալ է յինէն, յամէն ջահելի անկաջ կու դնէք, ջահելին բանն այն է, որ իւր գլուխ կենա[յ], ինչ պիտի անէ. բաւ է:

Փառք Աստուծոյ, հիմի շնորհաց Սուրբ Աթոռուն արքեպիսկոպոս եւ հովիւ, որ այլու էլի պարտ է մեզ արթուն կենալ եւ աշխատել: Վասն որո[յ] համարս տալոց եմ Տեառն մերոյ Յիսուսի Քրիստոսի յանձնեալ հօտին:

Ինձ եւ այլ բազում բան կայր, չգրեցաք, որ պատրի Մատաթայն բերանով Ձեզ կու պատմէ. ողջ լեր ի տէր: Ես զցայգ եւ զգիշեր չեմ մոռանալ ի պատարագս եւ յաղօթս ի Քրիստոս սուրբ բարերարութիւնն, որ ընդ իս. բաւ է:

Գրեցաւ ի քաղաքն Վարշաւ, թվին ՌՈԼԷ [1637], փետրուվարի ԻԸ [28]: Գրողս քո հրամանուց աղոթող եւ ծառայ այն ՄԾ [150] ըսկուտն, որ տարէ մեզ շաւաղաթ էք արէ, ընդ Աստուած սիրէք. Բ [2] տարէն կամ Գ [3] տարէն ողորկեցէք: Յետեւամանց իմ գրին մարդ փող չտէք:

Humile servo di reverendisimo et ilustrissimo

Fra Augustino Arciuescouo di Naxiuan.

*SOCG, vol. 180, ff. 275rv. Բնագիր: Իտալերէն*

*թարգմանութիւնը տե՛ս նոյն տեղում, f. 274+281*